

四庫全書

子部

欽定四庫全書

玉機微義卷二十六

明 徐用誠 原輯

劉 純 續增

脹滿門

諸經敘脹所因

鍼經曰夫脹者皆在于臟腑之外排臟腑而廓胸脇脹  
皮膚故命曰脹或厥氣在下榮衛留止寒氣逆上真邪  
相攻兩氣相搏乃合為脹也

按論中備五臟六腑發脹為諸證宜玩本文

內經曰諸腹脹大皆屬於熱 腹滿臍脹支鬲臑脇下厥上冒過在太陰陽明乃寒濕鬱遏也

原病式曰腹脹大鼓之如鼓氣為陽陽為熱氣甚則如是也

脈法

針經曰其脈大堅以濇者脹也

脈經曰關上脈虛即脹內 遲而滑者脹 脈盛而緊

者脹

嚴氏曰脹脈浮者易治虛者為難

論脹分三因

陳無擇云臟氣不平勝乘相因為病如怒傷肝肝尅脾  
脾氣不正必脹於胃名曰勝尅怒乘肺脾氣不傳必脹  
於大腸名曰乘尅憂思結聚本臟氣鬱皆內所因或冒  
寒暑風濕隨經絡傳至陽明致脹者屬外因飲食饑飽  
生冷甜膩聚結不散或作胚塊膨脹滿悶屬不內外因

也

按此論肝木勝乘脾肺為脹滿即東垣所謂脾胃之上不足火木大勝致脹也此不言火况怒傷肝者豈無火動耶所出大半夏湯以桂附中加參歸以調血氣言其脈弦遲恐非肝氣尅脾臟閉腑鬱病也

論腹脹屬濕

內經云太陰所至為畜滿又云太陰所至為中滿霍亂吐下又云諸濕腫滿皆屬脾土

按發明辨云脾為陰中之太陰又云脾為陰中之極陰乃為坤元亘古不遷之土天為陽也火也地為陰也水也在人則為脾同陰水之化脾有餘則腹脹食不化故無陽則不能化五穀脾盛乃大寒為脹滿故脈經云胃中寒則脹滿大抵此病皆水氣寒濕為之也治宜大辛熱之劑如土久於雨水中則為泥矣豈能生化萬物必待和風暖日濕去陽生自然長生矣脾濕有餘無陽則不能化五穀所以宜辛熱治之必

愈然亦有輕重

論腹脹有熱有寒屬外感

東垣曰經云諸腹脹大屬熱此乃八益之邪有餘之證  
自天外而入感風寒之邪傳入于裏寒變為熱作胃實  
日晡潮熱大渴引飲譫語是太陽陽明併病大實大滿  
者大承氣湯下之少陽陽明微滿實者小承氣湯下之  
五常正大論云下之則脹已是也假令痲瘧為脹滿亦  
有寒脹熱脹是天之邪氣傷暑而得之不即時發至秋

暑氣衰絕而瘧病作矣知其寒也局方交加飲子是也  
豈不聞素問及靈樞經中說內虛不足中寒濕令人中  
滿及五臟六腑俱有脹滿更以脹家寒熱多少較之胃  
中寒則脹滿陰陽應象論云濁氣在上則生臌脹針經  
云脹取三陽三陽者足太陽膀胱寒水為脹與通評虛  
實論中說腹暴滿按之不下取太陽經絡者胃之募正  
同五臟生成論云腹滿臌脹云云見前胃中寒濕菴過  
故也脈經所謂胃中寒則脹滿也又厥論云太陰之厥



則腹滿臌脹後不利不欲食食則嘔不得臥按所說寒  
脹多如此湯液醪醴論中說中滿治法當開鬼門謂發  
汗也潔淨府利小便也又云中滿者瀉之於內謂脾胃  
有病當今上下分消其氣下焦如瀆氣血自然分化不  
待泄滓穢如或大實大滿大小便不利從權以寒熱藥  
下之

論腹脹屬內傷所致

東垣曰或傷酒濕麪及味厚之物膏粱之人或食已便

臥使濕熱之氣不得施化致令腹脹滿此亦是熱脹調  
經篇云因飲食勞倦損傷脾胃始受熱中未傳寒中皆  
由脾胃之氣虛弱不能運化精微而致水穀聚而不散  
而成脹滿此寒濕鬱遏而脹也醪醴論中治法謂先瀉  
其血絡後調其真經氣血平陽布神清此治之正也或  
曰諸腹脹大皆屬於熱者何也此乃病機總辭假令外  
傷風寒有餘之邪自表傳裏寒變為熱而作胃實腹滿  
仲景以承氣湯治之亦有膏粱之人濕熱鬱於內而成

脹滿者此熱脹之謂也大抵寒脹多而熱脹少治之者宜詳辯之

論鼓脹屬濕熱

丹溪曰心肺陽也居上腎肝陰也居下脾居中亦陰也屬土經曰飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行是脾具坤靜之德而有乾健之運故能使心肺之陽降腎肝之陰升而成天地交之泰是為一平人今也七情內傷

六淫外侵飲食不節房勞致虛脾土之陰受傷轉運之  
官失職胃雖受穀不能運化故陽升陰降而成天地不  
交之否清濁相混隧道壅塞鬱而為熱熱留為濕濕熱  
相生遂成脹滿經曰鼓脹是也以其外雖堅滿中空無  
物有似於鼓膠固難治又名曰蠱若蟲侵蝕之義理宜  
補脾又須養肺金以制木使脾無賊邪之患滋腎以制  
火使肺氣得清却厚味斷妄想遠音樂無有不安醫者  
不察急於作效病者苦於脹急喜行利藥以求痛快不

知覺寬得一日半日其腫愈甚病邪甚矣真氣傷矣古  
方惟禹餘糧丸又名石中黃丸又名紫金丸制肝補脾  
殊為切當亦須隨證加減用之予友俞仁叔連得家難  
年近五十得此疾自製禹餘糧丸服之其脈弦濇而數  
予曰此丸新製煅煉之火邪尚存溫熱之藥太多宜自  
加減不可執方俞笑曰此方不可加減服之一月口鼻  
見血色黑骨立而死又楊兄年近五十性嗜酒病瘧半  
年患脹診其脈弦而濇重則大瘡未愈手足瘦而腹大

如蜘蛛狀予教以參朮為君當歸川芎芍藥為臣黃連  
陳皮茯苓厚朴為佐生甘草些小作濃湯飲之一日定  
三次彼亦嚴守戒忌一月後瘡愈又半年小便長而脹  
愈中間須稍有加減大意只是補氣行濕又陳氏年四  
十餘性嗜酒大便時見血春間患脹色黑而腹大形如  
鬼狀脈數而瀋重似弱以四物湯加連苓朮通白朮陳  
皮厚朴生甘草作湯與之一月而安一補氣一補血餘  
藥大率相出入皆獲安或曰氣無補法今何補氣而獲

安予曰氣無補法俗論也痞悶壅塞似難於補不思正氣虛者不能自運經曰壯者氣行則愈弱者則著而成病若不補氣邪何由行或曰子之藥審矣何効之遲也病者將厭子之迂而求速效矣予曰此病之起或三五十年或十餘年根深勢篤難求速効知王道者能治此病或曰脹病將終不利耶予曰灼知其不虛病淺胃壯積滯不痼而又有可下之證矣

按此論七情內傷六淫外侵致脹合東垣所謂八益

之邪有餘之證自外入也內傷勞倦虛損脾胃等致  
不足之證自内生也可見虛實之殊寒熱病機互有  
則用藥當有所據矣

論脹為諸氣所致

詳見氣證門

論脹為諸積所致

陳無擇云五積久而必心腹脹滿但內所因不待成積  
即致也亦當隨其臟氣而平治之



謹按脹滿屬寒或內傷或諸氣或因病數服通利藥脾胃虛而致者為甚多屬濕熱者少至積成者亦甚有之但古方多不分治如禹餘糧丸類燥熱氣血之劑於內鬱之火豈得不反有所助耶夫治是疾遇大實滿燥實痞閉氣滯或始由內傷脈洪實者非下之不可然有服下劑過多或瀉痢後所至或素脾胃虛弱不能運化而成者皆宜補脾行濕蓋此際正氣已衰矣况積而脹乎故云平治之又如血畜血瘀致者

當從血藥治之寒者熱之熱者寒之結者散之清濁  
混者分消之或升降其氣或消導皆宜適事為故可  
也

論濁氣在上則生臌脹

內經云清氣在下則生飧泄濁氣在上則生臌脹此陰  
陽反作病之逆從也發明曰夫臌脹者以寒熱溫涼論  
之此何脹也曰此飲食失節為脹乃受病之始也濕熱  
亦能為脹右關脈洪緩而沉弦脈浮於是風濕熱三

氣相合而為病也是脾胃之令不行陰火亢甚乘於脾  
胃盛則左遷而陽道不行是六腑之氣已絕於外大盛  
能令母實風氣外絕風氣外絕者是穀氣入胃清氣營  
氣不行便是風氣也異呼同類即胃氣者是也經云虛  
則兼其所勝土不勝者肝之邪也是脾胃之土不足火  
木大勝者也經云濁陰出下竅濁陰走五臟濁陰歸六  
腑濁陰歸地此平康不病之常道反此則為脹也經云  
飲食不節起居不時者陰受之陰受之則入五臟入五

臟則膜滿閉塞調經論云下脘不通則胃氣熱熱氣熏胸中故內熱下脘者幽門也人身之中上下有七衝門皆下衝上也幽門上衝吸門吸門者會厭也衝其吸入之氣不得下歸於腎肝為陰火動相拒故咽膈不通致濁陰之氣不得下降而大便乾燥不行胃之濕與客陰之火俱在其中則腹脹作矣治在幽門使幽門通利泄其陰火潤其燥血生益新血幽門通利則大便不閉吸門亦不受邪其膈咽得通膜脹腹滿俱去矣是濁陰得

下歸地矣故經曰中滿者瀉之於內此法是也

論下之則脹已

發明曰西北二方地形高寒經曰陰者其精奉於上其寒在外故曰寒則氣浮知陰之寒涼西北二方之氣為主用也異法方宜論云北方之人臟寒生滿病亦謂適寒涼者脹皆秋冬之氣也在人則為肺腎冬天之時寒涼在外六陽在於坤土之中坤土者人之脾胃也五臟之病外寒則必內熱脈經所謂五臟脈小皆為消瘵之

病消瘴者消穀善饑北方之地無不能食者此也陰勝陽虛下之則愈正謂此也病機云諸腹脹大皆屬於熱下之則脹已此理悉矣

謹按脹主下之一法亦大畧言爾故出方宜之論若泛用之多往往腹脹是失運化之職也然是證雖主於下蓋病因寒熱積濕氣血機本不同於治可不為分例云

脹滿治法

調理之劑

局方紫沉通氣湯治三焦氣澁不能宣通腹脹便澁

方見氣證門

濟生紫蘇子湯治憂思多度致傷脾胃心腹脹滿喘促  
煩悶腸鳴氣走漉漉有聲大小便不利脈虛緊而澇

蘇子 一兩

大腹皮

草果仁

半夏

厚朴 製

木香

陳皮

木通

白朮

枳實

人參

甘草

各半兩

右吐咀每四錢入薑棗煎

按此二方手足太陰之劑也

三因大半夏湯治肝氣不平勝尅於脾脾鬱不行結聚  
涎沫閉於臟氣腑氣不舒胃則脹滿其脈弦遲故知  
中虛胃冷脹滿服此可下氣進食

半夏

洗

桂心 各五錢

附子

人參

甘草

炙

厚朴 製

當歸

茯苓

枳實

炒各三錢

川椒

炒八十粒



右劉每四大錢入薑棗煎

禹餘糧丸治中滿氣脹喘滿及水氣脹

蛇含石

三兩  
煨

真針砂

五兩

禹餘糧

三兩同上砂炒

已上三物為主其次量人虛實入下項藥

木香

牛膝

蓬朮

炮

白茯苓

桂心

川芎

白豆蔻

茴香炒

三稜

羌活

茯苓

乾薑

青皮

陳皮

附子

炮

當歸

各半  
兩

右為末拌勻以湯浸蒸餅去水搗勻丸如梧子大每  
五十丸空心溫酒下

按此治寒脹消積藥也氣血之劑陰陽之氣下陷者  
可用故存之與前方並足太陰例

東垣木香順氣湯治濁氣在上則生臌脹

木香

三分

厚朴

四分

青皮

陳皮

益智仁

茯苓

澤瀉

乾生薑

半夏

吳茱萸

湯洗各二分

當歸

五分

升麻

柴胡

各一分

草豆蔻

煨三分

蒼朮

三分

右㕮咀水煎

按此足太陽陽明厥陰藥也

木香塌氣丸治中焦腹脹

蘿蔔子炒

陳皮

去白各五錢

胡椒

草豆蔻煨

木香

青皮

各三錢

蜀梢

去毒二錢半

右為細末水糊為丸梧子大每三十九丸溫米飲下忌服油膩白粥百日量人大小與服陰囊腫用青鹽乾

薑白麩為末水調貼之

中滿分消湯治中滿寒脹寒疝大小便不通陰躁足不收四肢厥逆食入反出下虛中滿腹中寒心下痞下焦躁寒沉厥奔豚不收並宜服之

益智仁

半夏

茯苓

木香

升麻

各三分

吳茱萸

草豆蔻

黃芪

各五分

川烏頭

澤瀉

人參

青皮

當歸

生薑

麻黃

柴胡

乾薑

黃連

畢澄茄

黃栢

各二分為熱因寒用

右以咀只作一服水煎

按此二方治寒脹之劑也

廣茂潰堅湯治中滿腹脹內有積塊堅硬如石令人坐臥不安大小便澀滯上氣喘促通身虛腫

厚朴

黃芩

益智仁

草豆蔻

當歸

各五錢  
黃連 六錢

半夏 七錢

廣茂

升麻

紅花

吳茱萸

各二錢

甘草生

柴胡

澤瀉

神麩

青皮

陳皮

各三錢

渴者加乾葛

四錢

右吹咀每七八錢水煎食前溫服

中滿分消丸治中滿鼓脹氣脹水氣脹大熱脹

黃芩

黃連

枳實

炒

半夏

製各五錢

薑黃

白朮

人參

甘草

炙

猪苓

各一錢

生乾薑

白茯苓

砂仁各一錢 厚朴一兩 知母四錢 澤瀉

陳皮各三錢

右為細末水浸蒸餅為丸梧子大每百丸焙熱白湯下食後寒因熱用故焙服

按此並治熱脹之劑也又濕熱之藥

攻下之劑

三因七物厚朴湯治腹滿發熱脈浮數飲食如故脹滿者為熱脹

厚朴炒一兩 甘草炙

大黃煨各三錢

枳實炒半兩 桂心一分

右為末每四大錢入薑棗煎嘔者加半夏

按此治熱之劑陽明例藥也

簡易是齋推氣丸治三焦痞塞氣不升降腹脹

檳榔

陳皮

黃芩

大黃

枳實

黑牽牛等分

右為末煉蜜丸梧子大每五七十九臨睡湯下量虛



實與服

楊氏消脹丸

木香

黑牽牛

蘿蔔子炒

檳榔

右等分為末水糊丸梧子大每三十九

宣明肉豆蔻丸治食痼腹脹如鼓不食者病可下

肉豆蔻

檳榔

輕粉各一錢

黑牽牛一兩半服頭末

右為末糊為丸如菉豆大每服十九二三十九煎連

翹湯下食後日三服

按此並氣分藥也

雞屎醴散治心腹脹滿且食不能暮食致令胃逆鼓脹  
證

大黃

桃仁

雞屎醴

乾者等分

右為末每一二錢水煎入薑食前服

按此血分藥也

東垣沉香海金沙丸治一切積聚脾濕腫脹肚大青筋

羸瘦

海金砂

一錢半

沉香 二錢

牽牛末

一兩

輕粉 一錢

右為末獨蒜如泥為丸如梧子大每三十九煎白沸  
燈心通草湯量虛實與服

海金砂散治脾濕太過腹脹如鼓

方見濕門

按此二方治濕之劑也

沉香交泰丸治濁氣在上干擾清陽之氣苑而不伸以

為臍脹

沉香

白朮

當歸

各三錢

厚朴

製五錢

枳實

炒

吳茱萸

洗

白茯苓

澤瀉

陳皮

青皮

木香

各二錢

大黃

酒浸一兩

右為末湯浸蒸餅為丸梧子大每五十加至七十九

溫湯送下

按此分消之劑也氣血之藥

三花神佑丸治一切腫病大腹實脹喘滿

方見濕門

按此治濕熱之藥也

治積聚之劑

澹寮三稜煎丸治心腹堅脹脇下緊硬胸中痞塞喘滿

京三稜

半觔為末以酒三升銀器內熬成膏

青皮

蘿蔔子

炒

神麴

炒各二兩

麥蘖

炒三兩

硃砂一兩

乾漆炒

杏仁

炒各半兩

右為末以膏子丸如梧子大每三十九食後溫米飲

下

導氣丸治諸氣痞塞關膈不通腹脹如鼓大便虛秘

青皮

用水蛭炒

莪朮

蟲蟲炒

三稜

乾漆炒

檳榔

斑貓炒

茱萸

牽牛炒

乾薑

礪砂炒

附子

鹽炒

赤芍

川椒炒

胡椒

茴香炒

石菖蒲

桃仁炒

右各剉與所同炒藥熟去水蛭等不用只以青皮等

十件為末酒糊為丸如梧子大每五丸至七丸空心

紫蘇湯下

塌腫神應丸治諸蠱毒腹脹

方見積聚門

按此並治積聚導氣散鬱之劑也又能入血分

謹按已上攻治諸方皆有輕重所宜之製宜對證選用不得少差致有實實虛虛之失也發明曰禁服論云約方猶約囊也囊滿弗約則輸泄方成弗約則神與氣俱未滿而知約之可以為工不可以為天下師

此聖人所以退太過而進不及以平為期也大凡氣  
味者有毒無毒固宜常制矣是以大毒治病十去其  
六常毒治病十去其七小毒治病十去其八無毒治  
病十去其九餘以穀肉果菜食養盡之至如君一臣  
二竒之制也君二臣四耦之制也近而竒耦制小其  
服遠而竒耦制大其服大則數少小則數多矣多則九  
之少則二之補上治上制以緩補下治下制以急急  
則氣味厚緩則氣味薄下不以耦汗不以竒隨其邪



之所在高下淺深輕重虛實影響無間萬舉萬全是  
謂中行故可為師也假如病大而湯劑小則邪氣少  
屈而藥力已乏欲不復治其可得乎猶一杯之水救  
一車薪之火竟不能滅是謂不及故不可為師而可  
以為工矣小而湯劑大則邪服已盡而藥有餘力欲  
不傷正何所容哉猶火炎崑岡玉石俱焚莫之能止  
是謂太過此又不可以為工是乃粗醫也三者之論  
惟中而已過與不及皆為偏廢然而太過尤甚於不

及何以明之蓋失之於姑息邪復勝正者止於勞而無益猶可勉而適中或失於苛暴則正氣被傷因而羸瘠者有之危殆者有之滅亡者有之非徒無益而又害之此所謂尤甚也可不戒哉嘗見仲景之書於承氣條下攻裏則曰若更衣止後服於桂枝湯後發表乃云熱熱微汗益佳不可令如水淋漓本乎軒岐之微旨有所得耳

玉  
機  
微  
義  
卷  
二  
十  
六

欽定四庫全書

玉機微義卷二十七

明 徐用誠 原輯

劉 純 續增

喉痺門

論喉痺為火熱所致

原病式曰喉痺痺不仁也俗作閉猶閉塞也火主腫脹故熱客上焦而咽嗑腫脹也

子和曰內經云一陰一陽結謂之喉痺王太僕曰一陰

者手少陰君火心主之脈氣也一陽者手少陽相火三焦之脈氣也二脈並絡於喉氣熱則內結結甚則腫脹腫脹甚則痺痺甚而不通則死矣夫推原十二經惟足太陽別下項其餘皆湊于喉嚨然內經何為獨言一陰一陽結為喉痺蓋君相二火獨勝則熱結正絡故痛且速也予謂一言可了者火是也故十二經中言噤乾噤痛咽腫頤腫舌本強皆君火為之也惟喉痺急速相火所為也夫君火者猶人火也相火者猶龍火也人火焚

木其勢緩龍火焚木其勢速內經之言喉痺則咽與舌其兩間耳然其病同於火故不分也後之醫者各詳其狀強立八名曰單乳蛾雙乳蛾單閉喉雙閉喉子舌脹木舌脹纏喉風走馬喉閉熱氣上行故傳於喉之兩傍近外腫作以其形似是謂乳蛾一為單一為雙也其比乳蛾差小者名閉喉熱結於舌下復生一小舌子名曰子舌脹熱結於舌中舌為之腫名曰木舌脹木者強而不柔和也熱結於咽喉腫逸於外且麻且痒腫而大者

名曰纏喉風喉痺暴發暴死者名曰走馬喉痺此八種之名雖詳若不歸之火則相去遠矣其微者可以鹹熨之而大者以辛散之今之醫者皆有其藥也如薄荷烏頭殭蠶白礬朴硝銅碌之類也至於走馬喉痺何待此乎其生死人反掌之間耳其最不誤人者無如砭針出血血出則病已易曰血去惕出良以此夫昔予治一婦人木舌脹其舌滿口諸醫不愈令以銚針小而銳者砭之五七度腫減三日方平計所出血幾至盈斗又治一

男子纏喉風腫表裏皆作藥不能下予以涼藥灌於鼻  
中下十餘行外以拔毒散傳之陽起石燒赤與伏龍肝  
各等分細末之日以新水掃百遍三日熱始退腫始消  
又嘗治一貴婦喉痺蓋龍火也雖用涼劑而不可使冷  
服為龍火宣以火逐之火者烹飪之火是也乃使爆於  
烈日之中登于高堂之上令侍婢携火爐坐藥銚于上  
使藥常極熱不至大沸通口時時呷之百餘次龍火自  
散此法以熱行寒不為熱病扞格故也大抵治喉痺用



針出血最為上策但人畏針委曲旁求瞬息喪命凡用針而有針創者宜搗生薑一塊調以熱白湯時時呷之則創口易合銅人中亦有灸法然痛微者可用病速者恐遲則殺人故治喉痺之火與救火同不容少待內經火鬱發之發謂發汗然咽喉中豈能發汗故出血者乃發汗之一端也後之君子毋執小方而曰吾藥不動臟腑又妙於出血若幸遇小疾而獲效不幸遇大病而死矣毋遺後悔可也

論喉痺為傷寒所致

龐氏曰經云伏氣之病古方謂之暗傷寒謂非時有暴寒中人伏毒氣於少陰經始衰不病旬月乃發脈微弱法當咽痛以傷寒非喉痺之病次必下痢

謹按少陰傷寒一二日病乃不自太陽傳也因是經不足而卒中寒寒邪抑鬱內格陽氣為熱上行於咽門經會之處寒熱相搏而痛或成喉痺為醫不察脈證虛實即用寒涼之劑攻治卒致殞沒而患者自謂

其分嗚呼寃哉殊不察少陰病咽痛及生瘡不能言  
聲不出者藥用甘苦辛溫制其標病以通咽嗑至若  
傷寒伏氣內發咽痛兼下利清穀裏寒外熱面赤脈  
微弱者用辛熱之藥攻其本病以順陰陽利止則水  
升火降而咽痛自無也此非雜病一陰一陽結為喉  
痺之比不可妄施針砭及寒涼之藥且夫火熱之動  
為病急速子和論治已詳然傷寒伏氣為病咽痛或  
腫本陰寒厥甚逼熱上行其喉為痺逼熱下行必便

膿血此標熱而本寒也仲景自有治例故子和畧之不議若是則火熱喉痺腫甚者急用藥吹點或刺少商合谷豐隆湧泉關衝等穴以解脈絡之結輕者內與甘辛涼劑降火制其標本亦不可使用苦寒之藥攻治倘有內寒格熱為病吾恐反增其勢矣

論喉痺為痰飲所致

詳見痰飲門

論喉痺為氣逆所致

詳見氣門

論喉痺為風燥所因

陳無擇云風燥皆使喉痺咽腫則不能吞乾則不能嚥  
多因飲啖辛熱或復嘔吐咯傷致咽系乾枯之所為也  
與喉門自別又有懸門暴腫閉塞喉嚨亦如喉閉但懸  
壅在上腭俗謂鶩翁又謂之鵝聚俗語聲訛不可不備  
識

喉痺治法

點吹藥

濟生二聖散治纏喉風急喉痺

鴨背膽礮

二錢半

白殭蠶

炒去絲嘴半兩

右為末每用少許以竹管吹入喉中

白礮散治急喉閉

白礮

一錢

巴豆

二箇去殼作六瓣

右將礮於鉢內慢火熬化為水置巴豆其內候乾去  
巴豆取礮研為末每用少許吹入喉中立愈

楊氏一字散治時氣纏喉風漸入咽塞水穀不下牙關  
緊急不省人事者

雄黃

研

蝎梢

白礬

枯

藜蘆

猪牙皂角

炙各等分

右為末每用一豆大鼻內嚙之立效

三因玉鑰匙治風熱喉閉及纏喉風

焰硝

一兩半

硼砂

半兩

白僵蠶

一錢

腦子

一字

右研勻以竹管吹半錢許入喉中立愈或加雄黃二

錢名金鑰匙

宣劑

三因解毒雄黃丸治纏喉風及喉痺卒然仆倒失音不出聲或牙關緊急者

雄黃 一兩

巴豆 去油十四箇

鬱金 一錢

右研醋糊丸菴豆大熱茶清下七丸吐出頑涎即甦省未吐再服至如死者亦以物斡開口灌之下咽無有不活者吐洩些小不妨



丹溪方用射干汁和逆流水吐之 用桐油以鵝翎蘸探吐之 用燈火油脚吐之

治熱之劑

局方龍腦雞蘇丸治上焦熱咽腫嗑痛

方見熱門

澹寮牛蒡子散治風熱上壅咽喉腫痛或生乳蛾

牛蒡子

研

玄參

升麻

桔梗

犀角

黃芩

木通

甘草

各等分

右咬咀每半兩水煎入生薑二片

拔萃桔梗湯治熱腫喉痺

桔梗

甘草

連翹

梔子

薄荷

黃芩

右為咬咀入竹葉煎

百一選方治咽喉腫閉

山豆根洗淨新汲水浸少時

右以一塊入口中含之嚥下苦汁未愈再用

治火之劑

局方碧雪

涼膈散

方並見火門 絳雪見下

御藥院麝香朱砂丸治咽喉腫閉或作瘡或舌根腫痛者

馬牙硝 生用七錢

鉛白霜 三錢  
礪砂 三兩

龍腦 三錢

寒水石 燒一

麝香 二錢

朱砂 一兩半

甘草 十兩熬膏

右研極細用膏子和丸如桐子大朱砂為衣每含化  
一二九一法減鉛霜麝甘草只五味名絳雪散

龍麝聚聖丹治心脾客熱毒氣攻衝咽喉腫赤疼痛或  
成喉痺或結硬不消愈而復發經久不差或舌本腫  
脹滿口生瘡

川芎 一兩

生地黃

犀角屑

羚羊角屑

南琥珀

南玄參

連翹

各半兩

人參

赤茯苓

馬牙硝

腦子

麝香

各三錢

桔梗

升麻

鉛白霜

研各半兩

朱砂

牛黃

各研二錢

南礪砂

研一兩

金箔

五十片

右為末煉蜜丸每兩作十九金箔為衣以薄荷湯化下  
或細嚼或含化之

按已上諸方有輕重之分宜隨證選用

治風之劑

局方如聖勝金錠子治咽喉急閉腮頰腫痛并單蛾雙  
乳蛾結喉重舌木舌並皆治之

硫黃

細研

川芎

臈茶

薄荷葉

川烏

炮

硝石

生地黄

各等分

右為末生葱汁搜和為錠每服先用新汲水灌嗽次  
嚼薄荷五七葉却用藥一錠同嚼極爛以井花水嚥下  
甚者連進三服并含之即安

本事方利膈湯治脾肺有熱虛煩上壅咽喉瘡腫

薄荷葉

荊芥穗

防風

桔梗

人參

牛蒡子炒

甘草各等分

右以咀每半兩食後水煎服

治寒之劑

仲景半夏湯治傷寒寒相搏咽痛或聲不出者

半夏

桂枝

甘草炙等分

右以咀每七八錢或半兩水煎放冷細細嚥之

按本論咽中傷生瘡不能言聲不出者少陰證用苦

酒湯或桔梗等方皆可選用

三因蜜附子治腑寒咽閉吞吐不利

大附子

一箇去皮臍切作大片蜜塗炙令黃

右每含嚥津甘味盡更以附片塗蜜炙用

治痰之劑

王隱君礞石滾痰丸治痰熱咽噎腫痛不利

桔梗半夏湯治痰氣不降咽腫欲成喉痺者

方並見痰飲門



三因玉粉丸治寒痰壅結咽喉不利語聲不出者

半夏洗五錢 草烏一字炒 桂一字

右末生薑自然汁浸蒸餅丸如雞頭大每大人一九  
至夜含化多年不愈亦有效針經中說寒氣客於會  
厭卒然如啞此藥主之

玉機微義卷二十七

欽定四庫全書

玉機微義卷二十八

明 徐用誠 原輯

劉 純 續增

淋閼門

小便不禁溺 胞痺附

淋閼脈證

脈經曰少陰脈數婦人則陰中生瘡男子則氣淋熱  
結下焦則令人淋閼不通淋之為病小便數如粟狀小  
腹弦急痛引臍中

論淋證主熱

原病式曰淋小便澀痛也熱客膀胱鬱不能滲泄故也  
或曰小便澀而不通者為熱遺尿不禁者為冷豈知熱  
甚客于腎部干於足厥陰之經廷孔鬱結極甚而氣血  
不能宣通則痿痺而神無所用故液滲入膀胱而旋溺  
遺失不能收禁也經云目得血而能視臟得血而能液  
腑得血而能氣夫血隨氣運氣血宣行則其中神自清  
利而應機能為用矣又靈樞經曰腎主二陰然水衰虛

而佛熱客其部分二陰鬱結則痿痺而神無所用故溲便遺夫而不能禁止然則熱證明矣是故世傳方論雖曰冷淋復用榆皮黃芩瞿麥茯苓通草雞蘇郁李仁梔子之類寒藥治之而已其說雖妄其方乃是由不明氣運變化之機宜乎認是而為非也或謂患淋而服茴香益智滑石醇酒溫藥而愈者然則非冷歟不知此皆利小便之要藥也蓋醇酒益智之性雖熱而茴香之性溫滑石之性寒所以能開發鬱結使氣液宣通熱散而愈也

按此只是論熱因處治然寶鑑曰小便不利其治有三不可槩論津液偏滲於腸胃大便洩瀉而小便澀少者宜分利而已熱傳下焦津液則熱熱而不行者必滲泄則愈脾胃氣澀不能通調水道下輸膀胱而化者故可順氣令施化而出矣可見非止於熱因也況有標本不同有論見後大抵三因謂大率有五者總病機言也以氣為本者氣行而水自化也亦氣血之謂然有得之於胎氣者丹溪云鄭憲使子年十六生七箇

月後得淋病五七日必一作其發則大痛水道下如  
漆和粟者一盞方定脈之輕則瀉重則弦視其形瘦  
而長色青如蒼意其必因其父服下部藥遺熱在胎  
留於子之命門而然遂以紫雪和黃栢末丸梧子大  
晒及乾熱湯下百丸半日又下二百丸食物壓之又  
半日痛大作連腰腹水道乃行下漆和粟者椀許痛  
減十之八後張子中與陳皮一兩桔梗木通各半兩  
又下一合許而安父得燥熱尚能病子况母得之者

乎書此以證東垣紅絲瘤之事云云見婦人門

論淋澁主寒

寶鑑曰痺論云胞痺者小腹膀胱按之內痛若沃以湯澁於小便上為清涕夫膀胱為州都之官津液藏焉氣化則能出焉今風寒濕邪客於胞中則氣不能化出故胞滿而水道不通其證小腹膀胱按之內痛若沃以湯澁於小便以足太陽經其直行者上交額上入絡腦氣下灌於鼻竅則為清涕也

按此則知淋閼有寒熱之殊宜參脉理分治

論淋閼分三因

陳無擇云淋古謂之癘名稱不同也癘者罷也淋者滴也古方皆云心腎氣鬱致小腸膀胱不利復有冷淋濕淋熱淋等屬外所因既言心腎氣鬱與夫驚思恐憂即內所因况飲啖冷熱房室勞役及乘急忍溺多致此病豈非不內外因也大率有五曰冷曰熱曰膏曰血曰石五種不同皆以氣為本



嚴氏曰五淋氣石血膏勞是也氣淋為病小便澀常有餘瀝石淋莖中痛尿不得卒出膏淋尿似膏出勞淋勞倦即發痛引氣衝血淋遇熱即發甚則溺血候其鼻頭色黃者小便難也大抵此證多由心腎不交積蘊熱毒或酒後房勞服食熱燥七情鬱結所致癰閉淋閼為病皆一類也

按此云五淋名各不同故兩存之然石淋世俗又名沙石淋子和曰世人多為服金石燥熱之劑得之常

見農家有此證豈是服金石之人也大抵是膀胱畜熱而成此疾如湯瓶久在火中煮瓶底白碱而不能去沙石淋之證與此理同其論最為得矣內經云少腹熱洩出白液亦甚似之也

論小便不利氣病血病之異

發明曰難經云脈有關有格何謂也然關則不得小便格則吐逆關者甚熱之氣格者甚寒之氣是關無出之由故曰關格無入之理故曰格也按寒在胸中遏絕不

入熱在下焦填塞不便內經曰人迎大四倍於氣口名曰格氣口大四倍於人迎名曰關關則不得小便格則吐逆夫小便者是足太陽膀胱所主長生於申申者西方金也故金能生水金者肺也肺中伏熱水不能出是絕小便之源也人輔相天地膀胱之源自頭項下至於足故曰陽中之陰如渴而小便不通者不得降是也故聖人立法皆用清燥金之正化氣薄之藥茯苓豬苓澤瀉琥珀燈心通草車錢子瞿麥篇竹之類皆為滲淡之

藥能瀉肺火而清肺金滋水之化源也若熱在下焦是  
絕其流而溺不泄也須用氣味俱厚陰中之陰藥治之  
長安王善夫病小便不通漸成中滿腹大堅硬如石壅  
塞之極腿脚堅脹裂裂出黃水雙睛凸出晝夜不得眠  
飲食不下痛苦不可名狀伊戚趙謙甫詣予求治視歸  
從夜至旦耿耿不寐究記素問有云無陰則陽無以生  
無陽則陰無以化又云膀胱者州都之官津液藏焉氣  
化則能出矣此病小便癰閉閉是無陰而陽氣不化也

凡利小便之藥皆淡味滲泄為陽止是氣藥陽中之陰  
非北方寒水陰中之陰所化者也此乃奉養太過膏粱  
積熱損北方之陰腎水不足膀胱腎之室久而乾涸小  
便不化火又逆上而為嘔噦非膈上所生也獨為關非  
格病也潔古云熱在下焦填塞不便是治關格之法今  
病者內關外格之病悉具死在旦夕但治下焦可愈隨  
處以稟北方寒水所化大苦寒之味者黃柏知母桂為  
引用丸如桐子大沸湯下二百丸少時來報服藥須臾

如刀刺前陰火燒之痛溺如瀑泉湧出臥具皆濕床下成流顧盼之間腫脹消散予驚喜曰大哉聖人之言豈可不遍覽而執一者也其證小便閉塞而不渴時見躁者是也凡諸病居下焦皆不渴也二者之病一居上焦在氣分而必渴一居下焦在血分而不渴血中有濕故不渴也二者之殊至易分別耳

謹按或問肝主小便淋洩今治法主腎何也然大凡病便數者多腎經氣虛而然淋闕者有標本之分氣

熱鬱結則膀胱津溢主約不利為本病小腹痛不得  
便下焦氣脈實而不利是客約不行為標病傷寒變  
極者遺洩直視是少陰腎先絕也故此三經干於下  
部為病非獨肝也或脾肺之氣不能通調水道下輸  
膀胱清氣不降皆能為癰閼腎氣虛而濁氣不升虛  
熱干於厥陰之絡陰廷痿痺而神無所用乃旋溺頻  
數人老年來多有此患矣腎虛極則水涸火熾真氣  
散而死也或曰若久寡居之人病便數者豈腎氣虛

之不為約乎然是金為火鑠土為水濡腑臟兼體相  
資之道失濕熱甚而經脈縱緩亦成斯疾也觀先哲  
用腎氣丸等以收精氣之虛脫為養氣滋腎伐火導  
水使機關利而脾土健實之意是焉若全指為虛寒  
處治者是則一槩論也

論小便不禁或癃為下焦虛實不同

內經曰胞移熱於膀胱則癃溺血膀胱不利為癃不約  
為遺溺注曰膀胱為津液之腑水注由之然足三焦脈



實約下焦而不通則不得小便足三焦脈虛不約下焦則遺溺也靈樞經曰足三焦者太陽之別也並太陽之正入絡膀胱約下焦實則閉癰虛則遺溺

王海藏曰因有盧氏醫鏡見薑附石脂硃砂丹一藥味數分兩皆同惟丹砂一味用伏火者及治病有差所治者小便數而不禁怔忡多忘魘夢不已之不同耳其不同者審而詳之乃得此之治決不差耳泛舉之言腎主大便肝主小便淋洩難經云小腸為赤腸是面赤色及

便溺赤色者皆出心與小腸南方赤色顯於外也經言  
下焦如瀆者正謂大小便也大便為陰為有形乃下焦  
之下者也腎臟為病主大便不言大腸者明矣子行父  
之道小便為氣所化乃下焦之高者也謂肝主小便淋  
澀亦是子行父道為腑病諸氣化者皆腑諸有形血化  
者皆臟病所主此腑言膀胱病此二證俱在下焦則同  
藥有形無形及在臟在腑有殊俱是丹田衰憊不言心  
火者以其相火化行君之令故也細分之則膀胱壬水

勝丙小腸者是不傳陰則陰不病何為有形病此為陰之體也為腑之用也天地陰陽反為體用以斯可見是明五臟者為六腑所用六腑者為五臟所用明矣是有形皆為傳陰也夫小便不禁是膀胱不約為遺溺此不傳陰也是丹田胞絡受寒為壬所尅大抵諸腑皆盛有形物有形病皆在腑責其所來皆在臟也用伏火硃砂者去其寒邪耳治法同者以其俱在下焦補諸無形同在胞絡耳以其胞與腎相對有時相連故也腎主大

便肝主小便所治安得不殊

按此論遺溺為經虛之本病也然亦有悞服涼劑太過而致者如東垣曰立夏前悞用白虎湯過多致遺溺者宜溫藥升陽以解之是也故用藥者當審誅罰無過之戒

謹按丹溪先生曰淋證多主於氣虛亦有死血作淋者小便不通實熱者當利之因氣者宜吐之以提其氣氣升則水自下蓋氣承載其水也痰多者用二陳

湯先服後吐痰氣閉塞者二陳加木通香附探吐一  
男子病小便不通醫用利藥而加劇先生曰此積痰  
病也積痰在肺肺為上焦膀胱為下焦上焦閉則下  
焦塞譬如滴水之器必上竅通而後下竅之水出焉  
乃以法大吐之吐已病如失然此可見癘淋又不獨  
主於經病也

淋閼治法

小便不禁附

治淋澁之劑

金匱腎氣丸治腎虛小便淋澀及婦人子淋

方見補虛門

錢氏導赤散治心經蘊熱小便赤澀或成淋痛

方見熱門

局方五淋散治膀胱有熱水道不通淋澀不出或尿如

豆汁或成沙石或如膏或熱拂便血

赤茯苓

六錢

赤芍

山梔子

各二錢

當歸

甘草

各五錢

右咬咀每半兩入燈心水煎

本事火府丹治小便赤少及五淋澀痛

木通

黃芩

各一兩

生地黃

二兩

右為末煉蜜丸如梧子大每五十九木通湯下

濟生小薊飲子治下焦結熱尿血成淋

生地黃

小薊根

通草

滑石

山梔仁

蒲黃

炒

淡竹葉

當歸

藕節

甘草

右等分為叟咀每半兩水煎空心服

琥珀散治五淋澀痛小便膿血

琥珀

海金砂

沒藥

蒲黃

各研

右各一兩和勻每三錢食前煎萱草根湯調下日二服

按已上諸方並血分藥也

局方八正散治小便熱淋澀痛

清心蓮子飲治小便濁或澀



方並見熱門

立効散治下焦熱結小便黃赤淋悶疼痛或有血出

瞿麥穗一兩 甘草三分 山梔炒去皮半兩

右為末每五錢入葱白燈心薑煎食前時時服

濟生皮膚子散治諸病後體虛觸熱熱結下焦遂成淋病小便赤澀數起少出

猪苓 地膚子 知母 黃芩

海藻 通草 瞿麥 枳實炒

升麻

葵子

右以咀每半兩水煎入薑

按已上方又氣中之血藥也

海金砂散治小便淋瀝及下焦濕熱氣不施化或五種淋疾癃閉不通

海金砂

研

木通

瞿麥穗

滑石

通草

各半兩

杏仁

去皮尖一兩

右為末每五錢水煎入燈心二十根

寶鑑茯苓琥珀湯治小便數而欠淋澀脈沉緩時時帶數

五苓散加琥珀

半兩

滑石

七分

甘草

三分

右細末每五錢長流水煎服食前

按以上方並氣分藥也

局方石葦散治膀胱有熱水道不通淋瀝不出臍腹急痛蓄作有時勞倦即發或尿如豆汁或出沙石

芍藥

白朮

滑石

葵子

當歸

瞿麥 各三錢  
石葦

木通 各二錢

甘草

王不留行

右為末每二錢空心小麥湯調下

按此血中之氣藥也與已上並治熱之劑

三因生附散治淋而脈沉微小便秘澀數起不通竅中痛

附子

滑石 各半兩  
瞿麥

木通

半夏 各一兩半

右為末每二錢入薑三片燈心二十莖蜜半匙水煎  
食前服

按此治竅之劑也

治瘕閼之劑

東垣滋腎丸治下焦陰虛脚膝無力陰汗陰痿足熱不  
履地不渴而小便閉

黃栢 酒洗焙 知母 酒洗焙 各一兩

肉桂 二錢

右為末水丸如桐子大每服百丸加至二百丸煎百

沸湯送下

白花散治小便不通膀胱蘊熱

朴硝

右為末每二錢煎茵香湯調下食前服

按已上並血分藥也

清肺散治渴而小便閼或黃或澁

五苓散加琥珀

半錢

燈心

一分

木通

七分

通草

一分

車前子

炒一分

瞿麥

半錢

篇蓄

七分

右為細末每五錢水煎食前服作湯亦可

紅秫散治小便不通止喘

紅秫黍根

一兩

篇蓄

一兩半

燈草

一百根三寸長

右以咀每五錢長流水煎服

按已上並氣分藥也

黃芩清肺飲治肺燥而小便不通

黃芩

一錢

梔子

三箇打破

右ㄨ咀長流水煎服不利加鹽豉二十粒

滋陰化氣湯治因服熱藥過多小便不利諸藥不效或  
臍下悶痛難忍

黃連

黃柏 各炒

甘草 炙等分

右ㄨ咀每五錢水煎食前服如不通加知母  
按此二方助陰藥也

治胞痺之劑

千金方茯苓丸治胞痺小便內痛



赤茯苓

防風

細辛

白朮

附子炮

澤瀉

官桂

各半兩

天花粉

紫苑

牛膝

酒浸

黃芪

芍藥

甘草

炙各三分

生地黄

山茱萸

山藥

獨活

半夏

各一分

右末蜜丸梧子大每十九溫酒送下食前服

巴戟丸治胞痺臍腹痛小便不利

巴戟

去心一兩半

桑螵蛸

麩炒黑

遠志 去心

山芋

生地黄

附子 炮

續斷

肉蓯蓉 酒浸各一兩

杜仲 炒

石斛

鹿茸 酥炙

龍骨

五味子

兔絲子 酒浸

山茱萸

桂 各二分

右十六味細末蜜丸梧子大每三十九空心酒下

腎瀝湯治胞痺小腹急小便不利

麥門冬

木通

桔梗

桑白皮

杜仲 炒

犀角屑

五加皮

各一兩

赤芍 五錢

右呔咀每五錢水煎加羊腎一箇竹瀝少許

宣明腎著湯治胞痺證小腹膀胱按之內痛若沃以湯澁於小便上為清涕不止者

赤茯苓

白朮

各四兩

甘草

炙三兩

乾薑

炮二兩

右為末每五錢水煎溫服日三

按此四方當分寒熱之異選使然腸痺亦有腹痛飧泄小便秘澁者宣明論有證治例詳見本論又可見小便不利非止胞痺為患也

治淋瀝不禁之劑

局方二氣丹治內虛裏寒膀胱積冷陽漸微小便不禁

硫黃 研

肉桂 各一分

乾薑 炮

朱砂 為衣各二錢

附子 一枚大者炮去皮  
臍為末半兩

右為末糊丸如梧子大每五十九鹽湯下食前服

薑附赤石脂朱砂丹治小便數而不禁怔忡多忘魘夢

不已

附子 生

乾薑 各半兩

赤石脂 一兩半水飛

朱砂一兩研

右為細末酒糊為丸如菘豆大每十五至三十九  
大患有病米飲下小便不禁茯苓湯下

按此二方助陽之劑也

御藥院方秘元丹治內虛裏寒自汗時出小便不禁

白龍骨

三兩

訶子

十箇

砂仁

一兩

靈砂

二兩

右為末煮糯米粥丸如梧子大每五十九空心鹽酒

下

按此固陽之劑也

濟生兔絲子丸治小便多或致失禁

兔絲子 二兩 牡蠣 煨

附子 炮

五味子

鹿茸 酒炙各一兩

茯苓 酒浸二兩

雞胫 炙乾 桑螵蛸 酒炙各半兩

右為末酒糊丸如梧子大每七十丸空心鹽湯溫酒

任下

三因家韭子丸治下元虛冷小便不禁或成白濁

家韭子

六兩  
炒

鹿茸

四兩  
酥炙

菴蓉

酒浸

牛膝

熟地黄

當歸

各二兩

巴戟

去心

兔絲子

酒浸各一兩半

杜仲

石斛

桂心

乾薑

炮各一兩

右為末酒糊丸如梧子大每百丸空心湯酒任下

按此一方助陽滋陰之劑也

茯苓丸治心腎俱虛神志不守小便淋瀝不禁

赤茯苓

白茯苓

等分

右為末以新汲水按洗澄去新沫控乾別取熟地黃  
汁與好酒同於銀石器內熬成膏搜和丸如彈子大  
空心鹽酒嚼下一丸

按此滋陰固真之劑也

雜方

澹寮赤罌蛸散治小便頻數或如稠米泔色

赤罌蛸

鹽水  
炙

遠志

菖蒲

鹽水  
炙

龍骨

人參

茯神

當歸



鰲甲

醋炙各等分

右為末每二錢臨臥人參湯調服

五子丸治小便頻數時有白濁

兔絲子

酒蒸

家韭子

炒

益智仁

茴香

炒

蛇床子

去皮炒等分


右為末酒糊丸如桐子大每七十九米飲鹽湯任下  
治小便不通諸藥無效或轉胞至死此法用之便自出  
用猪尿胞一箇底頭出箇小竅兒著翎筒通過放在

竅內根底細線繫定翎筒口子細杖子堵定上用黃蠟封尿胞口頭吹滿氣七分繫定了再用手捻定翎筒根頭放了黃蠟堵塞其翎筒放在小便頭放開翎筒根頭手其氣透裏自然小便即出大有神效

灸小便淋澁法炒鹽不以多少熱填滿病人臍中是神闕穴也却用筋頭大艾炷灸七壯良驗或灸三陰交穴

一法小水闕澁以猪膽連汗籠住小便少時汁入自出

婦人用藥末貯袋子安入陰戶中必通



玉機微義卷二十八

欽定四庫全書

子部

玉機微義卷

二十九至  
三十三

詳校官太醫院醫士臣舒岱

編修臣倉聖脈覆勘

總校官知縣臣繆琪

校對官中書臣宋枋遠

謄錄監生臣蔣厚傳

欽定四庫全書

玉機微義卷二十九

明

徐用誠原輯

劉純續增

眼目門

論目為血脉之宗

內經曰諸脉者皆屬於目目得血而能視針經曰五臟六腑精氣皆上注於目而為之精精之窠為眼骨之精為黑眼血之精為絡其窠氣之精為白眼肌肉之精則

為約束裏擷筋骨血氣之精而與脉并為系上屬於腦  
後出於項中故邪中於項因逢其身之虛其入深則隨  
眼系入於腦則腦轉腦轉則引目系急目系急則目眩  
以轉矣邪中其精其精所中不相比也則精散精散則  
視岐故見兩物目者五臟六腑之精榮衛寃寃之所常  
營也神氣之所主也故神勞則寃寃散志意亂是故瞳  
子黑眼法於陰白眼赤脉發於陽故陰陽合傳而為精  
明也目者心之使也心者神之舍也故神精亂而不轉

卒然見非常之處精神魂散不相得故曰惑也東垣  
曰夫十二經脉三百六十五絡其血氣皆上走於面而  
走空竅其清陽氣上散於目而為精其氣走於耳而為  
聽因心煩事冗飲食失節勞役過度致脾胃虛弱心火  
大盛則百脉沸騰血脉逆行邪害空竅失明則日月  
不明矣夫五臟六腑之精氣皆稟受於脾上貫於目脾  
者諸陰之首也目者血脉之宗也故脾虛則五臟之精  
氣皆失所司不能歸明於目矣心者君火也主人之神

宜靜而安相火化行其令相火者包絡也主百脉皆榮於目既勞後運動勢乃妄行又因邪氣所并而損血脉故諸病生焉凡醫者不理脾胃及養血安神治標不治本是不明正理也

按此論目為腑臟血脉精氣之宗至為詳悉豈但世俗拘之於五輪八廓而已也

論目昏赤腫翳膜皆屬於熱

原病式曰目昧不明目赤腫痛翳膜皆瘍皆為熱也及



目膜俗謂之眼黑亦為熱也或平白目無所見者熱氣鬱之甚也或言目昧為肝腎虛冷者誤也是以妄謂肝生於目腎主瞳子故妄言目昧為虛而冷也然腎水冬陰也虛則當熱肝木春陽也虛則當冷腎陰肝陽豈能同虛而為冷者歟或通言肝腎之中陰實陽虛而無由目昧也俗妄謂肝腎之氣衰少而不能至於目也不知經言熱甚目瞑眼黑也豈由寒乎又如仲景言傷寒病熱極則不識人乃目盲也正理論曰由熱甚怫鬱於目

而致之然也若目無所見耳無所聞悉由熱氣怫鬱玄府閉密而致氣液血脈榮衛精神不能升降出入故也各隨鬱結微甚而有病之輕重也故知熱鬱於目無所見也故目微昏者至近則轉難辨物由目之玄府閉小也隔縑視物之象也或視如蠅翼者玄府有所閉合者也或目昏而見黑花者由熱氣甚而發之於目亢則害承乃制而反出其泣氣液昧之以其至近故雖微而亦見如黑花也及衝風泣而目暗者由熱甚而水化制之

也故經言厥則目無所見夫人厥則陽氣并於上陰氣并於下陽并於上則火獨光也陰氣并於下則足陰足陰則脹也夫一水不能勝五火故目昏而盲是以衝風泣下而不止夫風之中於目也陽氣內守於睛是火氣燔目故見風泣下

按此論熱甚怫鬱陰陽并厥玄府閉密致目病之由為詳蓋一主於火熱之化也若由飲食辛熱七情所動六氣淫鬱氣血虛實則東垣子和陳無擇輩論亦

已詳然亦有痰熱濕熱與夫服食金石燥熱之藥致者或久病後榮衛虛弱肝氣腎陰不足或元氣精氣虛衰及脫營為病皆有虛熱實熱之殊並宜分治

論眼證分表裏治

機要曰在腑則為表當除風散熱在臟則為裏宜養血安神暴發者為表而易治久病者在裏而難愈

論目疾宜出血最急

子和曰聖人雖言目得血而能視然血亦有太過不及

也太過則目壅塞而發痛不及則目耗竭而失明故年少之人多太過年老之人多不及但年少之人則無不及年老之人其間猶有太過者不可不察也夫目之內皆太陽經之所起血多氣少目之銳眥少陽經也血少氣多目之上綱太陽經也亦血多氣少目之下綱陽明經也血氣俱多然陽明經起於目兩旁交頰之中與太陽少陽俱會于目惟足厥陰經連於目系而已故血太過者太陽陽明之實也血不及者厥陰之虛也故出血者

宜太陽陽明蓋此二經血多故也少陽一經不宜出血少故也刺太陽陽明出血則目愈明刺少陽出血則目愈昏要知無使太過不及以血養目而已凡血之為物太多則濫太少則枯人熱則血行疾而多寒則血行遲而少此常理也目者肝之外候也肝主目在五行屬木雖木之為物太茂則蔽密太衰則枯瘁矣夫目之五輪乃五臟六腑之精華宗脉之所聚其白人屬肺金肉輪屬脾土赤脉屬心火黑水神光屬腎水兼屬肝木此

世俗皆知之矣及有目疾則不知病之理豈知目不因  
火則不病何以言之白輪變赤火乘肺也肉輪赤腫火  
乘脾也黑水神光被翳火乘肝與腎也赤脉貫目火自  
甚也能治火者一旬可了故內經曰熱勝則腫凡目暴  
赤腫起羞明隱澁泪出不止暴寒目瞞皆太熱之所為  
也治火之法在藥則鹹寒吐之下之在針則神廷上星  
顛會前頂百會血之翳者可使立退痛者可使立已昧  
者可使立明腫者可使立消惟小兒不可刺顛會為肉

分淺薄恐傷其骨然小兒水在上火在下故目明老人  
火在上水不足故目昏內經曰血實者宜決之又經曰  
虛者補之實者瀉之如雀目不能夜視及內障暴怒大  
憂之所致也皆肝主目血少禁出血止宜補肝養腎至  
於暴赤腫痛皆宜以銚針刺前五穴出血而已次調鹽  
油以塗髮根甚者雖至于再至于三可也量其病勢以  
平為期

按此謂目疾出血最急於初起熱痛暴發或久病鬱



甚非三稜針宣洩不可然年高之人及久病虛損并  
氣鬱者宜從毫針補瀉之則可故知子和亦大畧言  
爾於少陽一經不宜出血無使太過不及以血養目  
而已斯意可見

論內障外障

龍木論曰眼疾有七十二般內障二十三候外障四十  
九候病狀一一不同據其疾狀認識既不差錯治療必  
有所憑

謹按諸候詳見本論然內障為黑水神光昏翳外障則有翳膜者是今論中雖具諸候而所用藥多本風熱故並畧去然內障有因於痰熱氣鬱血熱陽陷陰虛脫榮所致種種病因皆畧之不議況外障之翳有起於內眥外眥睛上睛下睛中當視其翳色從何經而來如東垣治例魏邦彥夫人目翳從下而上病自陽明來也綠非五色之正殆肺腎合而為病也乃就畫家以墨調膩粉合成色諦視之與翳色同矣肺腎

為病者無疑乃瀉肺腎之邪而以入陽明之藥為之使  
既效而他日復病作者三其所從來之經與翳色各  
異因詢此必經絡不調目病未已問之果然如所論  
治之疾遂不作若此憑其色究其所兼所本之因處  
治而不愈者蓋邪蘊日久而實元氣陰氣不足所致  
也當以王道論治庶可但世俗不能守此理遂致失  
明者多矣悲夫

論瞳子散大

東垣曰瞳子散大者由食辛熱之物太甚故也所謂辛主散熱則助火上乘於腦中其精故散精散則視物亦散大也夫精明者所以視萬物者也今視物不真則精衰矣蓋火之與氣勢不兩立故經曰壯火食氣壯火散氣手少陰足厥陰所主風熱連目系邪入中人各從其類故循此道而來攻頭目腫悶而瞳子散大皆血虛陰弱故也當除風熱涼血益血以收耗散之氣則愈矣

論倒睫赤爛

東垣曰夫眼生倒睫拳毛者兩目緊急皮縮之所致也  
蓋內復熱致陰氣外行當去其內熱并火邪眼皮緩則  
眼毛立出翳膜亦退用法攀出內臉向外速以三稜  
針出血以左手爪甲迎其針鋒立愈

目眶歲久赤爛俗呼為赤瞎是也當以三稜針刺目眶  
外以瀉濕熱而愈

按已上所論可謂深達病情然是證亦多是血熱陰  
虛火動所致蓋血所以滋經脉養毛髮者也故當外

治以瀉其痰熱內治以杜絕其源可也

論目不能遠視為陰氣不足

東垣曰能遠視不能近視者陽氣不足陰氣有餘也乃氣虛而血盛也血盛者陰火有餘氣虛者氣弱也此老人桑榆之象也能近視不能遠視者陽氣有餘陰氣不足也乃血虛氣盛血虛氣盛者皆火有餘元氣不足火者元氣穀氣真氣之賊也元氣來也徐而和細細如線邪氣來也緊而強如巨川之水不可遏

謹按陽氣者猶日火也陰氣者金水也先儒所謂金水內明而外暗日火內暗而外明者也然人目眼備臟腑五行精華相資而神明故能視即此理之常也雖經曰目得血而能視殊不知氣者蓋血得氣為水火之交而能神明之也否則陰虛不能視遠陽乏不能視近是為老人素榆之漸然學者於目病能求諸此則思過半矣

論目疾分三因

陳無擇云病者喜怒不節憂思兼並致臟氣不平鬱而  
生涎隨氣上厥逢腦之虛侵淫眼系蔭注於目輕則昏  
澁重則障翳眵淚努肉白膜瞶睛皆內所因或數冒風  
寒不避暑濕邪中於項乘虛循系以入於腦故生外翳  
醫論中所謂青風綠風紫風黑風赤風白風白翳黃翳  
等隨八風所中變生諸證皆外所因或嗜慾不節飲食  
無時生食五辛熱啖炙燂馳騁田獵冒涉烟塵勞動外  
情喪明之本皆不內外因治之



按論中所言致證之因至為詳悉惜乎其方多本於風熱及水臟陽虛處治而未備學者當自為通變矣

### 論偷針眼

巢氏曰凡眼內眦頭忽結成胞三五日間便生濃汁世呼為偷針此由熱氣客在眦間熱搏於津液所成但其勢輕者小小結聚汁潰熱歇乃瘥

謹按世傳眼眦初生小胞視其背上即有細紅點如瘡以針刺破眼時即瘥故名偷針實解太陽經結熱

也人每試之有驗然巢氏但具所因而更分經絡其諸名實所過者多矣

眼目治法

治風之劑

局方蜜蒙花散治風氣攻注兩眼昏暗眵淚羞明并暴

赤腫

羌活

白蒺藜炒

木賊

蜜蒙花

石決明

各一兩

菊花

二兩

右為末每服二錢茶清食後調下

三因羌活散治風毒上攻眼目昏澁翳膜生瘡及偏正

頭疼目小黑花累累者

羌活

川芎

天麻

青皮

旋覆花

南星

炮

藜蘆

各一兩

右為末每服二錢水煎入薑三片薄荷七葉

按已上並足太陽厥陰藥也

東垣明目細辛湯治兩目發赤微痛羞明畏日怯風寒

怕火眼睫成紐眇糊多癢溢而難開眉攢腫悶鼻塞  
涕唾稠粘大便秘澁

麻黃

羌活 各三錢

防風 二錢

藁本

白茯苓

當歸尾 各一錢

川芎

細辛

蔓荊子

各半錢

荊芥穗

一錢半

生地黄

一錢酒製

椒 八箇

桃仁

二十箇

紅花

少許

右咬咀分作四服每服水煎食後熱服

按此足太陽厥陰手少陰藥也

機要四物龍膽湯治目赤暴發雲翳疼痛不可忍

四物湯

各半兩

羌活

防風

各三錢

防已

龍膽草

各二錢

右㕮咀作數服水煎

按此足厥陰太陰太陽藥也

防風飲子治拳毛倒睫

黃芪

甘草

人參

各一錢

葛根

半錢

防風

細辛葉

蔓荊子

各半錢

當歸

七分半

右咬咀作一服水煎食後服

按此足太陽陽明手足太陰藥也

治熱之劑

局方洗心散

方見熱門

濟生羊肝丸治肝經有熱目赤睛疼視物昏澁

羊肝 一具生用局方用白羊肝

黃連 去鬚為末

右先將羊肝去筋膜於沙盆內搗爛入連末杵和丸

如梧子大每五十九用熟水送下

按此手少陰足太陰厥陰藥也

東垣瀉熱黃連湯治眼暴發赤腫疼痛

黃芩

酒製炒

黃連

同上製

草龍膽

生地黄

各一兩

升麻

半兩

柴胡

一兩

右咬咀每四錢水煎去滓於日午前飯後熱服  
按此手少陰太陰足陽明少陽少陰藥也

治風熱之劑

局方明目流氣飲治風熱上攻眼目視物不明常見黑花  
當風多淚隱澁難開

大黃

煨

牛蒡子

炒

川芎

菊花

白蒺藜

炒

細辛

防風

玄參

山梔

黃芩

甘草

炙

蔓荊子

荊芥

木賊

各一兩

草決明

一兩半

蒼朮

泔浸炒二兩

右為末每二錢臨卧用溫酒調下

按此手足三陰足陽明太陰藥也



洗肝散治風毒上攻暴作赤目腫痛難開隱溢眵淚

薄荷葉

當歸

羌活

防風

山梔仁

甘草

大黃

川芎

各二兩

右為末每二錢食後煎水調下

按此足太陽厥陰手足太陰藥也

錢氏瀉青丸治目暴發赤腫疼痛

方見熱門

按此足太陽少陽太陰厥陰藥也

東垣連翹飲子治目中溜火惡日與火癰溢小角緊久  
視昏花迎風有淚

蔓荊子

生甘草

連翹

各三分

柴胡

二分

黃芩

酒製半錢

生地黄

當歸

紅葵花

人參

各三分

黃芪

防風

羌活

各半錢

升麻

一錢

右咬咀作一服水煎食後熱服

按此足三陽少陰厥陰藥也

治濕熱之劑

神芎丸治濕熱內甚目赤腫或白睛黃色

方見火門

按此足陽明厥陰藥也

東垣龍膽飲子治肝眼流膿生疔翳濕熱為病

黃芩炒

青蛤粉

羌活

草龍膽各三錢

麻黃一錢半

蛇退皮

穀精草

川鬱金

炙甘草各半錢

升麻二錢

右細末每二錢食後茶調服

按此足太陽陽明手足太陰藥也已上六方宜隨表裏而輕重之亦不可例用

理血之劑

局方明目地黄丸治男女肝腎俱虛風邪所乘熱氣上攻目翳遮睛目溢多淚

牛膝

酒浸三兩

石斛

枳殼

炒

杏仁

去皮炒

防風

各四兩

生熟地黄

各一斤

右為末煉蜜丸如梧子大每三十九食前鹽湯下  
按此出太陽例又氣藥也

簡易加減駐景丸治肝腎氣虛兩目昏暗視物不明

車前子

炒二兩

熟地黄

當歸

各五兩

楮實子

川椒

炒各一兩

五味子

枸杞子

各二兩

兔絲子

酒製半斤

右為末蜜和丸如梧子大每三十九食前溫酒下

謹按肝為相火有瀉無補況陰水虛而陽火實病目者多故此二方蓋補肝之陰虛也頗有理故收入

地芝丸治目不能遠視能近視或亦妨近視

生地黄

焙乾

天門冬

去心各四兩

枳殼

二兩炒

甘菊花

二兩

右為細末煉蜜為丸如桐子大茶清送下百丸食後

理氣之劑

局方定志丸治眼不能近視反能遠視者

白茯苓

人參

各三兩

遠志

去心

菖蒲

各二兩

右為細末煉蜜丸如梧子大以朱砂為衣每服七丸至二三十丸溫米飲下食後日三服

按已上二方手太陰少陰藥也

濟生素白皮散治肺氣壅塞毒氣上攻眼目白睛腫脹

日夜疼痛

玄參

素白皮

枳殼炒

升麻

杏仁炒

旋復花

防風

赤芍

黃芩

甘菊花

甘草炙

甜葶藶

炒各一兩

右咬咀每半兩入薑三片煎

按此又治風熱之劑也出太陽例

養陽之劑

東垣神效黃芪湯治渾身麻木不仁或頭面或手或腿  
脚麻木不仁兩目緊急縮小及羞明畏日或視物無  
力

黃芪 二兩

人參 八錢

炙甘草 一兩

蔓荊子 三錢

白芍 一兩

陳皮 半兩

右咬咀每五錢水煎臨卧熱服

益氣聰明湯治飲食不節勞役形體脾胃不足得內障



耳鳴或多年目昏暗視物不能此藥能令人目廣大  
久服無內外障耳鳴耳聾之患

黃芪

甘草

人參

各半兩

升麻

葛根

各三錢

蔓荊子

一錢半

芍藥

黃栢

酒炒各一

錢

右以咀每服三錢水煎臨睡熱服近五更再服之得  
腫更妙如煩悶或有熱漸加黃栢春夏加之盛暑夏  
月倍之若此一味多則不效

人參補胃湯治勞役所傷飲食不節內障昏暗

前黃芪湯減陳皮芪再減半加黃栢一兩酒拌透

右吹咀每服三四錢水煎食遠稍熱服後兩目廣大  
視物如童時覺兩脚踏地不知高下蓋冬天多服升  
陽藥故也病減住服

按已上手足太陰少陰藥也

滋陰之劑

東垣連栢益陰丸

羌活

獨活

甘草

當歸尾製

防風

五味子

各半兩

石決明

燒三錢

草決明

細黃芩

黃栢

知母

黃連

酒拌炒各

一兩

右件為細末煉蜜為丸如菜豆大每服五十九丸漸加至百丸食遠茶清送下常多服補陽湯少服此丸

滋陰腎氣丸此壯水之主以鎮陽光

熟地黄

三兩

牡丹皮

半兩

生地黄

四兩

澤瀉

茯苓

各二兩半

當歸尾

山茱萸

柴胡

五味子

乾山藥

各半兩

右件於石臼中杵為細末煉蜜丸如桐子大每服五

七十九鹽湯空心服

按已上並少陰藥也

養陽滋陰之劑

局方菊睛丸治肝腎不足眼目昏暗常見黑花多淚

枸杞子

三兩

菴蓉

酒浸炒

巴戟

去心各一兩

甘菊花

四兩

右為末煉蜜丸如梧子大每五十九溫酒鹽湯食遠  
任下

東垣滋陰地黄丸治眼目瞳子散大於黃睛視物無的  
或卒然見非常之處

熟地黄

一兩

生地黄

一兩半

柴胡

八錢

天門冬

炙甘草

枳殼

各三錢

人參

地骨皮

各二

錢

黃連

五味子

各三錢

黃芩

半兩

當歸身

半兩酒拌焙

右件為細末煉蜜為丸如菉豆大每百丸溫茶清送下日進二次忌辛辣生冷之物

按此二方足少陰之劑也前方主右腎此方主左腎之藥故亦異爾

補陽湯治陽不勝其陰乃陰盛陽虛則九竅不通青白翳見於大眥及足太陽少陰經中鬱遏足厥陰肝經氣不得上通於目故青白翳內阻也當於太陽少陰經中九原之下以益肝中陽氣衝天上行此乃先補

其陽後於足太陽太陰標中

標者頭也

瀉足厥陰

肝經火下伏於陽中乃次治也內經云陰盛陽虛則  
當先補其陽後瀉其陰是也每日清晨服補陽湯臨  
卧服益陰丸若天色變飲食不調俱不得服

羌活

獨活

甘草

人參

熟地黄

黃芪

白朮 各一兩  
澤瀉

陳皮

各半兩

生地黄

白茯苓

知母 炒各三錢

柴胡

三兩

防風

白芍

各半兩

肉桂 一錢

當歸身 酒製三錢

右同為粗末每服半兩水煎空心服之

冲和養胃湯治內障眼得之脾胃元氣衰弱心火與三  
焦俱盛飲食失節形體勞役心不得休息故上為此  
疾服之神效

柴胡 七錢

防風 半兩

羌活

炙甘草

黃芪 各一兩半

當歸 製

白朮

升麻

人參

葛根 各一兩

白芍 六錢

白茯苓 三錢



乾薑一錢

五味子二錢

黃芩

黃連

各七錢

右吹咀每五六錢水煎食遠稍熱服

按已上足三陽手足太陰藥也

治障翳諸方

龍木論還睛丸治眼內赤澁有花或黑或白或紅昏因  
肝臟積熱肺受風邪初患之時宜令針治諸穴內服  
此

人參

桔梗

黃芩

熟地黃

防風

羌蔚子

車前子

知母

各二兩

細辛

五味子

各二兩半

玄參

半兩

右為末煉蜜丸如梧子大空心茶下十九

按本論治內障諸方與此相類者甚多姑存此法

局方蟬花無比散治大人小兒風毒傷肝或為氣攻一

切眼目昏暗漸生翳膜及久患頭風牽搐兩眼漸漸

細小連眶赤爛

茯苓

甘草

炙

防風

各四兩

石決明

鹽水

煮研如粉

川芎

羌活

當歸

各三兩

赤芍

十兩炒

蒺藜

炒半斤

蟬退

二兩

蒼朮

十二兩

蛇蛻

一兩

右為末每三錢食後米泔調茶清亦得

按此足三陽太陰厥陰藥也

蟬花散治肝經蘊熱毒氣上攻眼目赤腫多淚羞明一

切風熱昏翳

穀精草

菊花

蟬脫

羌活

甘草

炙

白茯苓

炒

草決明

防風

山梔

川芎

蜜蒙花

木賊

荆芥穗

黃芩

蔓荊子

右為末每二錢食後茶清調下

按此足太陽少陽厥陰手太陰藥也

本事方羊肝丸

兔絲子

車前子

麥門冬

決明子

茯苓

五味子

枸杞子

羌蔚子

苦苧蘆

麩仁

地膚子

澤瀉

防風

黃芩

杏仁炒

細辛

桂心

青箱子

各一兩

熟地黄

一兩半

白羯羊肝

只用子肝一片薄切新瓦上炒乾

右為細末煉蜜為丸如梧子大每服三四十九溫水

下日三次

按此足太陽少陰手太陰少陰藥也

秘方撥雲退翳丸

皇統年間醫官劉昌祖傳于世

瓜蒌根

枳實

甘草炙

蔓荊子

焙

薄荷

各五錢

川芎

木賊

浸一宿  
焙

蜜蒙花

荊芥穗

地骨皮

羌活

白茯苓

甘菊花

各一兩

蛇退

黃連

各三錢

川椒

七錢  
半炒

去目

當歸

一兩半酒浸焙乾

蟬退

三錢

右為細末煉蜜丸每兩作十九每服一九食後臨卧  
日進三服翳者米泔水下晴暗當歸湯下內障木香  
湯下

按此足太陽厥陰手少陰藥也然翳膜之疾有氣血  
虛實或夾痰熱七情六淫或陰火動濕熱致者種種  
不同皆宜求責但已上法不能以盡病情之變學者  
宜擴充焉

點洗諸方

局方湯泡散治肝經風熱上壅眼目赤澀睛疼多淚

赤芍

當歸

黃連

等分

右為末每二錢湯頓調熱洗日三五次御藥院方加

荆芥

三因立勝散治風熱攻眼隱澁羞明腫痛

黃連

秦皮

防風

黃芩

等分

右以咀水煎熟用新羊毫筆蘸刷洗眼

金露膏除昏退翳截定疼

麩仁

槌碎

黃丹各一兩

黃連

半兩

蜜六兩

右先將黃丹炒令紫色入蜜攪勻下長流水四升以嫩柳枝五七莖一把定攪之次下麩仁候滾十數沸



又下黃連用柳枝不住手攪發至升七八合罩籬內  
傾藥在紙上慢慢滴之勿令塵污如有瘡肉加硃砂  
末一錢上火上慢開入前膏子內用

龍木論云患傷寒熱病後切不可點恐損眼也斯言  
可以為藥禁云

寶鑑春雪膏治風熱上攻眼目昏暗痒痛癢溢難開多  
眵淚羞明疼痛或生翳膜

黃連

四兩剉用童便二升浸一宿去連用淬甘石

南蘆甘石 十二兩 泮便汁浸

好黃丹 六兩 水飛

硃砂

一錢 細研水調在盞內頓乾為度

乳香

烏魚骨

燒存性

當歸

各三錢

麝香

輕粉

各少許

白丁香

半錢

右各研另貯先用好蜜一斤四兩煉去蠟却下甘石末不住手攪次下丹次下諸藥末不住手攪至紫色不粘手為度搓作錠子每用一粒新水磨化時時點之忌酒濕麪蕎麥之類

拔萃方噓藥治偏頭疼眼疾

蒼耳頭

薄荷葉

盆硝

石膏

各一錢亂

文者

乳香

華細辛

貫芎

各半錢

右為極細末早午夕三時噓鼻

寶鑑方無蒼耳乳香細辛有荊芥桔梗

蟾光膏治遠年病目不通道路退去雲膜須用十二月

開成日合

白砂蜜

四兩用隔年葱一根去鬚皮切短與蜜同熬去白膜要候葱熟為度以綿濾淨紙取蠟面

黃丹

蜜陀僧各水飛三錢生用  
蘆甘石火

五錢水飛

已上三味研極細傾入前蜜中桃柳無節者各一枝

攪勻

當歸

赤芍

杏仁

湯泡去皮尖各五錢

黃連

去蘆淨二兩

川芎

半兩

秦皮

訶子皮

防風

石膏

玄精石

井泉石

無名異

玄參

代赭石

石決明

已上十味各三錢哎咀用雪水或長流水五升於銀器內熬至二升濾去滓淨再熬至一升傾入前藥蜜內銀器內慢火熬紫色時再下後藥勿令過火

乳香

沒藥

琥珀

朱砂

麝仁各三錢

已上五味先乾研極細入麝仁研細水飛澄清極細才傾入前藥一同復熬以筋點藥於水中不散為度勿令過與不及取下於土中埋七日取出置於銀器

或磁器中如法收貯便再添入後細藥以桃柳枝攪  
勻

南鵬砂

珍珠

珊瑚枝

龍腦

各一錢

麝香

半錢

右五味研極細入藥中封定如有取不盡藥用淨水  
斟酌洗渲熬過另放洗眼或膏子稠了傾些小調解  
灸雀目疔眼法

寶鑑云小兒雀目夜不見物灸手大指甲後一寸內臚

橫文頭白肉際灸一炷如小麥大

小兒疳眼灸合谷二穴各一壯炷如小麥大在手大指  
次指兩骨間陷者中

按灸法詳見資生等經茲不備錄

玉機微義卷二十九